

SOL MANDLA MAKHANYA, INHLOKO NELISEKELASHANSELA

INYUVE SI YASENINGIZIMU AFRIKA

INKHULUMO: I-UNISA/SIVUMELWANO NGEBUDLELWANO NETITAN

TITANS CRICKET GROUNDS

15 MASHI 2020

Angibonge kuMphatsiluhlelo : Mk Cristal Peterson, Kuchumana
neKutsengisa – Unisa SBL

- Dkt Jacques Faul: Libamba Lesikhulu seMphatsi Lomkhulu weCricket South Africa
- Mnu Pierre Joubert: Libamba Lemphatsi Lomkhulu weTitans Cricket – kanye nemalunga eTitans Cricket lakhona lapha namuhla
- Mk Sandy Lebese neMnu Amukelani Ngwenya, Emalunga eSigungu
- Dkt Gavin Isaacs: Sikhulu seTekusebenta kwe-Unisa SBL
- Emalunga ebuphatsi e-Unisa nebuphatsi lebungetiwe lobukhona lapha
- Labamele tekusata letehlukahlukene
- Tivakashi letikhethsekile
- Bekunene

Ngiyajabula kuba lapha namuhla kute ngibe yincenyе yekwetfulwa kalobudlelwano lobujabulisako nalobungakavami lobuhlose :

- kutfutfukisa temdlalo ngekusebentisa imfundvo lephakeme
- kucininisa kufundza emazingeni ekwengamela nekuphatsa emsebenteni kwesigungu
- kuvula ematfuba ekufundza kwebadlali behilikhithi labafanelekako eSigodzini saSenyakatfo neGauteng
- kusungula nekwenta luphawu Iwendlela ye-Unisa njengemholi lokucatjangwa ngaye lokukhetfwa yena e-Afrika

Bekunene, kunesisho lesitsi *kute umuntfu lophila yedvwa*. Loku kuliciniso ikakhulukati kulelikhulu lema 21 – itheknoloji lehamba embili kusebenta kwebuchakachaka betinkinobho sebugucule umhlaba waba umhlabajikelele busente saba takhamuti temhlabajikelele.

Bekungu Metternich, lincusa lemave lelikhetsekile lemakhulu lali 19, lowacamba emabintana latiwa kakhulu emnotfo wemhlabajikelele. Esikhatsini lapho i-Europe beyikhonya emhlabeni, weta nesisho lesitsi: “*Lapho iFrance itsimula, iEurope igenwa ngumkhuhlane.*” Lomcondvo wasejentiswa eMelika ngesikhatsi beyingumakhonya, nanyalo eChina – womabili lamave abukwa njengabomakhonya eminotfweni wemhlabajikelele. Ngiyetsema nonkhe senisivile

lesisho lesitsi: “*Lapho iShayina itsimula, umhlaba wonkhe utfola umkhuhlane.*” Manje, uma ngabe unebungabata lokuncane kutsi sihlangana njani naloku, buka sivinini sekubhebhetsuka lokungakavami kweligiwane leCorona, kusukela latfolwa eChina, kuya emhlabeni wonkhe ngesikhashane lesincane. Ngete sabuphika buve betfu bemhlabajikelele njengoba umhlaba egucuka phambi kwetfu.

Imfundvo lephakeme nayo iyikasali ngaphandle kulesimo sekuba yincenyemhlabajikelele kantsi sibambe sacina kuloko lokubibitwa ngekutsi i4IR. Emfundvweni lephakeme siphawule kutsi :

1. umcondvo wemfundvo neNyuveti kuyashintja
2. bumphicimphici, lokucuketfwe, kuvisisa nekwamukelwa kwe “Iwati” kuyashintja (ngetulu kwa 60% kwelwati kukhicitwa ngaphandle kweNyuveti)
3. tikweleti tebafundza nekuchasa ngekwetimali kwetikhungo kusemazingeni langenakulawuleka
4. imicondvo yebafundzi, tidzingo nalokulindzelwe ngibo kwehlukile
5. sinemkhakha weHE lohluke kakhulu nekwehlukana lokukhulu kwe “bafundzi” lokuhlukile kantsi ngalokuvamile kunetidzingo temfundvo letingakavami

6. kuneligebe lelikhulu nalelikhula njalo emkhatsini walabo labanalokutsite nalebete lutfo, loko buchwepheshe buhlulekile kukulungisa

Empeleni, kumele sibuke imfundvo lephakeme ngalamanye emehlo. Uma sifuna kwenta ngalokusemandleni etfu onkhe, kumele sivume kutsi ecinisweni lizinga lalabanenceny libanti, lekungulelo ndzawonye lelakha umphakatsi wenyuvesi. Ngakoke, ngekwembono wetfu, umphakatsi wetfu wenyuvesi awakhiwa basebenti, bafundzi nabozakwethu labetayelekile labatiwako. Inyuvesi nyalo seyifaka inhlanganisela (nalabo labangaketayeleki) yebalingani “labanenceny” bangaphandle kute sakhe kubambisana nekukhulumisana, kwakha simo sekutfola emachinga ndzawonye nekwakha ematfuba ekucwaninga nebuciko. I-Unisa, njengalamanye emanyuvesi lamanyenti, itibophelele ekwenteni tivumelwano/budlelwano lobutofaka tidzingo – nalobutozuzisa – yomibili imikhakha.

Ngakoke, sijabulile kantsi sinelilukuluku lekwenta sivumelwano sekuvisisana (MoU) neTitans ngoba loku kukhombisa kutinikela lokuhambisanako kwekwabelana tinsita nemakhono. Ngakulolunye iuhlangotsi, iTitans itawuzuza emisebentini leyinhloko yeUnisa ngekutsi kugcugcutelwe kubhaliswa nekufundza kwabadlali

nebaphatsi bekhililikithi, kungulapho ngakulolunye luhlangotsi i-
Unisa itawuzuza ngalokucondzile, Likhwaya leUnisa litawuzuza
etimphawini tasetinkhundleni, ekwatiweni namkhakheni
wekutijabulisa – lokuyinceny ekyututfukisa luphawu lwetfu.
Ngalendlela , ngekuhlanganyela sitawuba nesandla ekubhaliseni
nasemphumelelweni yebafundzi, ekututfukiseni nesekwenteni kahle
ekwengameleni nasekuphatseni nasekutsengiseni nekututfukisa.
Loku, ngekwembono wami, kuyindlela lekungiyo yekukhombisa
Ubuntu/Botho. Kwenteka umlinga lapho bantfu basebenta
ndzawonye ngenhloso lefanako ngesizatfu lesifanako.

Ema-MoU lafana nalawa akhombisa kwatisa lokufanako,
nekutinikela lokujulile, etakhamutini tetfu – nekutimisela kwetfu
kuba nesandla lesivakalako nalesikhulu engucukweni yetimphilo
tetfu, kantsi nangalokwengetiwe, imiphakatsi yetfu nelivekati
letfu.

Umbono we-Unisa we "**Nyuvesi yase-Afrika leyakha likusasa ngekusebentela luntfu**" igcizilela budlelwano kungulapho
ihambisana nenchazelo lephatsekako naleluphawu. I-Unisa iyinyuvesi
lenkhulukati e-Afrika naseSigodzini seNingizimu kantsi yatiwa
emhlabeni wonkhe mayelana nekubhaliswa kwebafundzi
kweKufundza ngeLiposi Lokuvulekile i-e-Learning yenyuvesi kanjalo

nebudlelwano bemave ngemave. Bafundzi betfu bafundza noma ngabe ngukuphi lapho bakhona – ngicabanga kutsi loku kutawusita ngalokukhetsekile badlali betfu bekhilikithi nebaphatsi babo lebahlala bangekho ekhaya cishe sikhatsi lesidze.

Sitiva sihlonishwa kakhulu kudlala indzima ekutfutfukiseni nasekwenteni kahle kweTitans. – kantsi ngiyetsema kutsi budlelwano lesibenta bube semtsetfweni namuhla butawukhula buphindze butfutfuke butawuchubeka buzuzisa tikhungo tetfu letehlukene etinyangeni naseminyakeni letako.

Ngiyabonga!